

欽定古今圖書集成

方輿彙編職方典



欽定古今圖書集成方輿彙編職方典

第六百四十三卷目錄

松潘衛部彙考

松潘衛建置沿革考

松潘衛疆域考

有圖

形勝附

松潘衛星野考

松潘衛山川考

松潘衛城池考

松潘衛關梁考

松潘衛公署考

松潘衛學校考

松潘衛賦役考

松潘衛風俗考

松潘衛祠廟考

寺觀附

松潘衛驛遞考

松潘衛兵制考

松潘衛物產考

松潘衛古蹟考

松潘衛部藝文

松潘圖叙

明章潢

松潘邊考

前人

松潘威茂論

前人

松潘事宜

前人

鵬勦處置人荒等三寨議

楊一桂

松潘衛部紀事

Blank columns for text in the right-hand section of the page.

職方典第六百四十三卷

松潘衛部彙考

松潘衛建置沿革考

總志

禹貢梁州之境天文觜參分野古氏羌地戎無君長或從侯伯征伐有功朝廷爵之以爲蕃服漢武西逐諸羌渡河湟居塞外始置護羌校尉屬河關郡魏諸羌叛服不常仍隸蕃屬晉諸羌內附以其地屬汶山郡宋齊因之後周置龍洞郡尋改扶州治嘉城縣後分置平康縣隋廢郡

改會州又分置交川縣尋廢州併入汶山同昌
二郡唐武德隴蜀平改置松州貞觀置都督府
屬劍南道生羌或降或叛天寶改州爲交川郡
乾元復爲松州廣德初陷於吐蕃五代諸羌自
據其地宋崇寧取邦潘疊三州初屬吐蕃首領
潘羅支元符取湟州元始內附屬吐蕃宣慰使
司明洪武初將軍丁玉復其地設松州衛潘州
衛後并爲松潘衛守其地二十年改松潘等處
軍民指揮使司隸四川都司又隸川西道領小

河守禦千戶所一安撫司四長官司十六
皇清因之改設本衛守備一

各土司

小河守禦千戶所 宣德四年置

八郎安撫司 永樂十五年置

麻兒匝安撫司 永樂十五年置

阿角寨安撫司

芒兒者安撫司 俱正統初置

占藏先結簇長官司

白馬路簇長官司

山洞簇長官司

阿昔洞簇長官司

白定簇長官司

麥匝簇長官司

者多簇長官司

牟力結簇長官司

班班簇長官司

祈命簇長官司

勒都簇長官司

包藏簇長官司

阿昔簇長官司 俱洪武十四年置

思曩兒簇長官司 洪武二十六年置

阿用簇長官司 宣德十年置

潘幹寨長官司 正統初置

皇清因之

松潘衛疆域圖

龍安府界



牟力結吐蕃草地界

松潘衛疆域考

總志

東至龍州界一百九十里又至鎮遠堡一百二十七里轉南至小河八十里至龍安府平武縣一百四十里

西至牟力結吐番草地界四百八十里又至流沙關十里外轄牟尼等寨接連毛兒革生番界一百九十里

南至疊溪守禦千戶所界二百里又至熱霧十三寨止接連屋毒生番界一百六十里

北至陝西洮州衛界八百六十里又至壓玉墩
止外通西彝地界五十里東轉南至葉棠堡交
平武縣馬營堡界二百四十七里
東南至平定堡交豐溪永鎮堡界一百八十一
里
東北至漳臘北柏木橋止八十里
西南至紅土坡接連黑水番界一百里
西北至黃勝關止外係西彝地方八十里
至省城七百六十里至

京師一萬一千四百七十里

東西廣六百七十里南北袤一千六十里

形勝附

雪嶺面東南洮河界西北

山川險阻雨雪多寒

松潘衛星野考
天文觜參分野

總志

松潘衛山川考

總志

金蓬山 在治東南五里羌人金蓬者曾居此山按衛志遺塚見存故名

牛心山 在治東南一十五里山巒圓秀若牛心然按衛志在治東南五十里未知孰是

風洞山 在治東五十里洞深不可測多惡風每午輒大作則灰沙蔽天人馬皆辟易寒氣襲

人或觸之多橫死否則喘息旬日始止蓋山嵐鬱結之氣所發按衛志盤旋數里始達其巔山

之東北有洞深不可測

雲欄山 在治東二十里山勢蟠延四時積雪

不消即雪山也按衛志在治東三十里

砂山 在治東南一百里

紅花山 在治南一十五里

西崇山 在治城內西北周圍包羅城垣盤旋

而上十有九折乃通紅土坡黑水等寨要隘俗

又呼為西岷嶺

壓玉嶺 在治北五十里

大分水嶺 在治北二百三十里其山高峻水

分二流

小分水嶺 在治北九十里山有龍潭水分二

流

甘松嶺 在治西北三百里寰宇記名松桑嶺

其山多產甘松今屬西彝地方

岷江 源發草地自北而南灌城而出松潘多

被水患

潘州河 在治西北六十里按衛志源出西彝

怡馬鼻浪架嶺

龍潭 在治東九十里淵深莫測四時澄清按

衛志在治東九十里今無考

響水泉 在治北六十里泉流湍急潺潺有聲

故名按衛志在治北六十里今無考

興龍泉 在治東六十里水出黃龍寺後

波瀾泉 在治東北四十五里泉從平地湧出

一百零八竇冬溫夏冷環流漳臘城垣

濟衆泉 在治西門營宇盤繞崇山上下陡坎

約及十里汲水維艱故引深山之水由西門溝
以入使岷江山畔居人皆由此汲焉故名濟衆

松潘衛城池考
松潘衛城池考
松潘衛城池考
松潘衛城池考
松潘衛城池考
松潘衛城池考
松潘衛城池考
松潘衛城池考
松潘衛城池考
松潘衛城池考

松潘衛城池考

衛志

松潘衛城池 周圍九里七分每里一百八十八丈共計一千七百四十六丈高二丈六尺城形北門至西門包羅山岡卽西崇山也東南係平地城內通大江東入西出設東南西北四門西岷頂一門古設各門俱有城樓歷代相傳屢遭兵火東西舊樓盡傾新修小樓南北大樓僅存立柱又兼岷江之水泛漲不時城垣半被衝頽衛外城 周圍二里共計三百六十丈高一丈

八尺城形方西臨江門南安阜門東向明門此門久閉不開止開臨江安阜二門城門亦半傾圮

小河城 垣周圍二里三分共計三百九十六

丈高一丈七尺城形長開東南西北四門

平番城 垣周圍二里三分共計四百一十四

丈高一丈九尺城形東面方西面南角圓開南

北二門

漳臘城 垣周圍共計三百一十四丈高二丈

四尺城形方開東南二門

松潘衛關梁考

總志

鎮彝關 在治西二十五里

西寧關 在治南三十里

安化關 在治南三十里

歸化關 在治南一百里

北定關 在治南一百二十里

蒲江關 在治南一百五十里

望山關 在治東一十五里

雪欄關 在治東三十里

風洞關 在治南五十里

黑松林關 在治東七十里

三舍關 在治東九十里

小子關 在治東一百二十里

紅崖關 在治東七十里

新鎮關 在治南七十里又名新塘關

鎮江關 在治南一百二十里

虹橋關 在治北河西二十八里

黃勝關 在治西北四十里

流沙關 在治西四十里

古松橋 在治內舊設石橋久廢後建木橋

通遠橋 在治東門外

歸化橋 在治南一百里

合江橋 在治東一百七十里

松風橋 在治東一百三十里

迎恩橋 在治南門外明永樂中建今廢

積雪橋 在治東七十三里明洪武中建

靖安橋 在小河所治北十一里

浦江橋 按明一統志在司城南一百二十里
小松橋 在治內

虹橋 在治北二十八里

柏木橋 在漳臘北四十里

馬黃橋 在治臨江門外按衛志云古松小松
通遠馬黃四橋俱通岷江由通遠橋南分二流
入城內由古松小松二橋下合一流出馬黃橋
而南四橋屢被衝沒城內居民常被其害隨修
隨衝不容一刻緩焉

松潘衛公署考

總志

松潘衛治 明洪武十七年設在西崇山畔後
樓五間前立廣淵庫外有庫吏小廳一座前設
大堂月臺下有皂隸房東西列六房甬道前爲
儀門儀門外東建五顯神祠大士廟福神祠今
俱廢圮僅存基址

皇清順治辛丑衛守備徐綱重修大堂廣淵庫止存
牆壁後樓止存梁柱康熙二十二年衛守備賈
尚謀捐俸修理大樓兩旁板房一間川堂一座

補葺儀門大門粗具規模尙未全備

松潘道署 古設東門內坐北向南房舍傾半

康熙十九年松潘鎮標中營遊擊李鎮鼎因本

道未駐本城詳請借寓捐俸修葺規模尙存

松潘監理通判署 在城內東北角自通判奉

裁松潘鎮右營借寓

察院 在舊治西今無

按察分司 舊設

古松驛 在治南

鎮平驛 在治南一百七十里

三舍驛 在治東一百四十里今俱廢

小河驛 在小河所治東

水進驛 在小河所治東十里

松潘所屬歸化鎮平等各處倉口今俱廢

總鎮府署 在外城安阜門內坐北向南東倚

城垣西臨大街

叅將府署 在小河所城北

小河千戶署 今改千戶總廳在治東一百九

十里

演武廳 古設久廢康熙二十四年松潘鎮總兵高鼎捐俸重修大廳一座前立牌坊南向照壁廳後創建正房三間廂房東西三間下修小房二座控制番彝規模大有可觀
鄉納所 在平番營
養濟院 在南門外今廢

松潘衛學校考

總志

松潘衛儒學 在司治東明景泰二年題建嘉靖萬曆間增修崇禎中副使史贊舜重修今半圯廢

皇清康熙甲子衛守備賈尚謀補修

學署 古設學宮後今廢

松潘衛賦役考

總志

康熙六年清丈後應徵屯租銀九十八兩三錢一分二釐六毫一絲折徵京斗雜糧八十五石見徵京斗米九十一石八斗七升五合蠟價一十四兩六錢四分按衛志云明季興屯田之政有事而戰無事而耕誠盛舉也設有紅花屯雄溪屯羊裕屯高屯各粟屯譚廊屯漳臘屯俱有屯軍恐不足以衛其地又撥腹裏諸軍輪戍之迨其後屢遭兵火至戊子己丑間屯軍淪亡無

存所遺屯地係漳臘營兵代種納租其地每歲
止長一季其苗止生稞豆二種六月飛霜古稱
不毛八屯歷年開墾共徵屯租銀九十九兩四
錢三分四釐一絲遇閏加增銀二兩一錢八釐
三毫三絲二忽二微三塵四纖每年解司並無
逋欠

松潘衛風俗考

衛志

本衛

松潘番多漢少分防指揮相傳而居卽爲土著
凡婚姻死葬一切禮儀無異於腹裏之風焉至
於番夷則大有不同者日耕野壑夜宿碉房男
曰安達女曰白麻多種青稞圓根好用羶羊麥
粉刻木契以成交易炙羊膀以斷吉凶人精悍
善戰鬥辮髮垂肩漸染教化披氍戴毛粗識漢
言婚姻必用牛馬死葬不擇地穴遇漢人則去

帽旁立進城市則下馬徒行所衣惟毯衫是尚
所食以酥油爲佳後因日近漢人相習已久而
附近熟番飲食服色類似於漢其山後生番則
仍舊也

松俗信神無論漢番多信之家家頂禮戶戶供
焚凡遇朔望日期各廟拈香祈禱絡繹不絕此
松俗之相沿成習亦一時所難移易者矣

松俗尚儉凡紳衿兵民人等雖其間貧富不一
而設筵會席並無一戶之越五品者男女服色

未見一人之衣絲綿者是亦淳樸之足取云

松潘衛祠廟考

總志

風雲雷雨山川壇 在治南

社稷壇 在治西

厲壇 在治北

城隍廟 舊設西崇山康熙乙丑年重修

旗纛廟 舊設衛署西

關帝廟 在治南

土主廟 在治西崇山

火神廟 在治北久廢

五顯廟 在治西崇山下

水靈祠 在治中

武侯祠 在治中久廢

寺觀附

清貞寺 在治中

大悲寺 在治西南西崇山衛署前明季勅建

今半傾圮大悲曉鐘舊景因廢按明一統志洪

武二十六年建

東山寺 在治東久廢

縣志

崇善寺 在治西

觀音寺 在治東

文昌宮 在治東

真武宮 在治東

玉虛宮 在治外城習儀在內

赤松觀 在治東南按明一統志洪武中建

松潘衛驛遞考

總志

古松驛 在治南

鎮平驛 在治南一百七十里

三舍驛 在治東一百四十里今俱廢

小河驛 在小河所治東

水進驛 在小河所治東十里

三路堡站 在治東一百七十里

溪子站 在小河所治東三十里

松潘衛兵制考

總志

松潘衛協鎮副將一員協標都司僉書一員

松潘衛城守守備一員

松潘衛守備一員

平番營遊擊一員中軍守備一員

按衛志松潘衛掌印守備兼理屯事一員總兵

官一員中左右三營遊擊各一員中左右三營

守備各一員中左右三營千總各二員中左右

三營把總各四員小河營鎮守遊擊一員中軍

守備一員千總二員把總四員漳臘營鎮守遊擊一員中軍守備一員千總二員把總四員平番營鎮守守備一員千總一員把總二員以上秩官係康熙丙寅年志

各關堡屯營防汛

東勝堡 設掌堡一名管轄雞公龍盼等寨

紅花屯 即古交川縣也在治南五里設掌堡

一名八角平壩墩二座管轄泥巴等寨

雄溪屯 設掌堡一名雄山墩一座管轄國師

等寨

羊裕屯 設掌堡一名

塘舍屯 設掌堡一名

譚廊屯 設掌堡一名

谷粟屯 設掌堡一名管轄寒毛谷粟等寨

高屯 設掌堡一名管轄元壩小寨

虹橋關 設掌堡一名管轄石嘴八郎等寨

漳臘營 周圍有寒盼祈命商巴三大寨且近

西彝最要地也

黃勝關 關外即西彝地方漳臘營輪撥官兵
汛守

淨沙堡

流沙關 古設玉門禦寇等墩今設把總一名

掌堡一名管轄牟尼等寨外通毛兒革生番亦
最要地也

以上各關堡屯營俱係漳臘營防汛

西寧關 設掌堡一名踞虎墩一座管轄出利
雄烟冲等寨

雲屯堡 設掌堡一名於養墩一座管轄臘卜
等寨

安化關 設掌堡一名凝冰墩一座管轄林洞
等寨

百勝堡 設掌堡一名炮腦墩一座管轄納臘
寺等寨

新鎮關 亦名新塘關設掌堡一名風驚墩一
座管轄空心寨

淨江堡 亦名龍韜堡設掌堡一名石阿墩一

座管轄大小空龍等寨

歸化關 設把總一名掌堡一名威收墩一座

管轄雲昌王答甘燕等寨

北定關 設掌堡一名橫樑墩一座管轄茹兒

齊鳴等寨

鎮江關 設掌堡一名撒訥墩一座管轄窰溝

商巴等寨

平番營 今設鄉約二名每逢朔望日期講讀

聖諭十六條以化各堡番漢

平彝堡 設掌堡一名管轄河西谷粟顧顧等寨

金瓶堡 設掌堡一名管轄河西西革等寨

鎮平堡 設把總一名管轄石蛇寺等寨

鎮番堡 設掌堡一名管轄呷竹寺等寨

靖彝堡 設掌堡一名管轄下二族狃子等寨

平定堡 設掌堡一名中設關隘盤詰逃人交

疊溪永鎮保界

以上各關堡營俱係平番營防汛

望山關 舊設松蓬墩一座

雪攔關 古設大石墩一座

風洞關 古設仙足墩一座

松林堡 卽黑松林關古設鎮遠墩一座

紅崖關 古設寧邊墩一座

伏羌堡 古設鎮寧墩一座

三舍堡 設把總一名掌堡一名高橋墩一座

以上各關堡俱係小河營防汛

鎮遠堡 設仰止墩一座

小關堡 設威遠墩一座

松啞堡 設鎮番墩一座

三路堡 古設石關墩一座

師家堡 古設漆樹墩一座

四望堡 古設甘溝墩一座

小河營 卽古小河所今盡改充營房並無一

民居

峯崖堡 古設石險墩一座

木瓜墩 古設鐵鎖橋一座

葉棠堡 古設平蠻墩一座交平武縣馬營堡界

以上各關堡營墩俱係鎮標三營撥兵輪流駐防

松潘衛物產考

衛志

穀屬

青稞 春種秋收其形似麥而瘠長番漢多種之或拉碎作米而食或磨麪和水而飲即如腹裏食米不能一日而缺者

胡豆 春種秋收其形大其色青遇霜即黑黃磨麪和稞粒而食或煮食亦可作粉

小麥 春種秋收多不收即收麵粘難食

豌豆 春種秋收種難成即成收亦薄皆松地

古今圖書集成
多寒六月飛霜所致也

果屬

延壽果 果生於土味甜似山藥並無樹果

菜屬

白菜 圓根類白菜其根大番人當飯食之別

無所產蜀俗云魚龍雞鳳菜靈芝蓋為松潘而

言也

木屬

松

柏

樺 俱無大木

卉屬

西天花 色紅

米恰花 似蓮

藥屬

甘松 產草地甘松嶺

朴硝 今少

當歸

羌活

麝香

衣屬

毯羊毛

織番漢衣之布非土產係陝西販賣

禽屬

鵲

鳩

鶯

野鷄

燕

瓦雀

獸屬

毛牛

其毛長不能耕

犏牛

其身大耕用之

葬牛

其毛花威保番人葬多用之

虎

狼

熊

鹿

麀

狐

兔

松潘衛古蹟考

衛志

潘州故城 在治北七百五十里漢武帝時逐諸羌渡河湟居塞外築此城置護羌校尉以禦之宋時分上下中三潘州今阿尖寨卽上潘州斑斑簇卽下潘州界二州之間則中潘州也其地廣遠今屬塞外無際漸北山漸平矣

交川廢縣 在治南五里隋初置屬會州唐初

改屬松州

平康廢縣 在治內後周置隋屬會州唐屬松

州

永泉亭 在金蓬山下正統初都督以劍鑿石
二水迸出號文武水大書永泉二字今查無考
按總志都督是李安又云書永泉二字鑄於石
崖築亭於上

瑞麥亭 在小河所治西一里正統中產瑞麥

亭因名

嘉城廢縣 按明一統志在司城內後周置嘉

誠縣隋屬扶州唐改曰嘉城於縣置松州

松潘衛部藝文

松潘圖敘

明章潢

我朝開設松潘東綴安綿南控威茂譬人之一身松
潘其首也安綿威茂其股肱也番酋比附於外材官
控禦乎中聖謨神武淵乎盛矣嗣後五寨塞而威茂
分三溪叛而安綿出致使手足頭目各不相顧何以
聯屬而成身乎此所以有白草之變而厯執事之憂
也愚嘗讀田孝友會要而有感於松潘之事其言曰
西南諸番雖衆且微然而勢合則強力分則弱必離

古今圖書集成
其黨使不得親分其勢使不得不弱斯可也由此觀之則我當合而彼當分亦明矣今松潘之勢似合而其中皆秦越相視實則分也白草之寨似分而其黨皆患難以相死實則合也豈不尤爲可異哉

松潘邊考

前人

松潘古冉駝地漢時自葑以北君長以十數冉駝爲大武帝開以爲汶山郡歷魏晉五代未嘗入寇唐初置松州後改交州郡貞觀時發蜀十二州兵討松外諸蠻獲十餘萬諭降者七十餘部戶十萬九千署首

領蒙和爲縣令後茂州西南築安戎城絕吐蕃通蠻之道生羌爲吐蕃攻拔之宋初茂州無城知州事范百常始因民之請而築焉宣和以後入寇不絕元始內附國初征松州及茂威等處克之卽古松州地置松潘衛

松潘威茂論

前人

松茂有衛疊灌有所采衛錯布矣大都紈袴之胄不識韜鈴尺籍之夫不諳紀律恃此以禦戎譬之驅羣羊搏猛獸不格明矣今非欲悉更置之而戰陳之法

不可不訓也私門之役不可不禁也賞罰之令不可不明也逋亡之籍不可不稽也格鬪之器不可不利也夫將不知兵與無將同兵不習戰與無兵同誠修此五者而不足以備邊吾不信矣堡關之設自茂北抵松十有七自茂南抵威十有五金鼓聞煙火接亭障誠相望矣吾聞夷恃剽健恣睢輕漢兵誅求無厭戍卒下堡必擊牛酒邀諸番歃血盟誓乃不犯每一舉火輒蟻聚而食之我卒寧枵腹不敢爭是吾之設堡適以資寇也何賴焉蓋亦相地形擇要害而併置

之乎夫關堡併則兵力聚兵力聚則夷不敢侮是所當講也諸堡之卒歲於內衛選官軍更番而成大約主客遊兵不下二萬秋而往春而代法非不善也但不知地利不識夷情恫疑虛喝習爲上計不聞有剡一矢持一戟攘臂而與之角者未至而思歸未滿而望代是奚足多也曷若罷之而養成兵之費籍土民站丁而守之如其不足則邊關餘丁可練而使也無已則擇勇健者量堡緩急分布而汰其充數之老弱可也夫堡無冗兵則食無浪費亦一利也松茂地鮮

五穀官軍待哺於內境歲輓全蜀之糧數十萬斛峙積邊庾食至裕也今常額雖存寧無逋負之民乎法禁雖嚴寧無乾沒之吏乎夫餽糧千里斗粟數錢民不堪矣而以實老弱之腹吁可惜哉乃若維州之城李唐故地也在戎虜平州之衝漢人入兵之路後吐蕃計取之曰無憂城焉李德裕帥西川悉怛謀舉城降其籌邊遺蹟可考也而沮於牛僧孺城竟棄議者有曰新與之盟而遽納其叛語利則維州小而信大語害則維州緩而關中急此司馬之說也有曰維州

本唐故地取其故地以刷前日之恥正以大義謀國者此胡寅之說也是非迄無定論以今日觀之維州據高山絕頂三面臨江不易取其取也不易守必欲復之要在蓄銳養威相機審勢使我有萬全之策一鼓而擒耳而輕動以啓釁非計之得也先臣董軒嘗議欲棄疊溪移所高屯堡有八害三利之說夫入松有二道東自小河南自疊溪皆羊腸一線之逕如人兩臂然胡可廢也而維州則其後矣即使無之不過太山虧一簣土耳其何足惜哉

古今圖書集成
松潘事宜

前人

松潘二鎮爲蜀城之右臂係全省之安危松潘不守則威灌之藩籬不固而沃壤千里之區亦幾於危薄而不安矣此謀國者所以重之也錢糧則額派全省正軍之外益以戍守不爲無見比年以來軍伍缺而不補錢糧日事剋削一切因仍苟且之政多而補偏救弊之術少昔人有云毋曰胡害其禍將大竊有隱憂焉

南路番種固多作惡爲地方患然最稱桀驁者無如人荒沒舌丟骨三寨也其次則別柘一寨焉查得三寨真番不多漢居其半大約不過五百人以五百人終年爲害而莫之一處養兵之謂何夫不一懲創則不知畏懼故謬爲之說曰三寨一除則餘寨可傳檄而定也松潘邊境地方非戰則守戰不可常恃而守則可以永固操縱之權在我而已南路十五關堡前隔大河後阻重山大小番姓前後夾居其中羊腸一線之路乃爲中國所有之地如鐵爐溝走石坡鴛鴦橋石花鞋奄子灣木驢溝掃冰巖凝冰溝乾溝子三

哨嘴楊廣墩砲腦溝老虎石翟貴哨石窩墩關門石
陡溝子大小橫梁溝沙灣龍溝秦王箭鏃刁灣掃水
巖凉水井黃沙壩索橋頭五哨溝乾溝黃土坎野貓
壩石門坎亂石窖石蛇兒狗子嘴龍打溝洞子溝沙
灣麻答嘴等處東路有天花石三岔溝乾溝子琵琶
頂谷驢兒溝高哨子黃土坎亂石窖旋風巖險頭哨
高子哨出龍溝母猪洞落魂橋月兒巖山葱溝高哨
子大灣老虎石松坪子擦耳巖鬪老巖弔巖子埽子
巖龍黎兒溝高橋鷄公嶺大沙灣臘菜坪等處北路

有寡石巖虹橋關絕塞墩鐵門墩銅柱墩八呷口林
燦口恰乍口惡柘口寒盼口了裕口麻盼口唐弄敵
貢壩柏木橋東勝墩等處俱爲番虜出沒路口來則
逼近官道肆行劫掠去則隔河阻山難以追捕最爲
要害之處不可不爲之防者先年何總兵自威茂以
達松潘小河三舍漳臘一帶地方官道兩旁修築邊
牆防護行堵番夷至今稱便但年久歲湮率多倒塌
有行經數里而基土盡傾者有曾經補砌而底薄難
恃者故番夷往來出沒如入無人之境亦可憂也東

北二路稱爲稍緩而南路一帶尤爲緊要欲爲國家
萬年之計其在南路必於後山自雄溪西寧以達蒲
江北定直抵鎮平界限倚就山勢築城一道城上多
設敵樓而兩頭盡處鎖以重關以遏山後之諸番又
於沿河復何總兵所築邊牆聯絡墩臺以遏革河之
諸番縱百蠻有羽翼亦難飛渡如是而輪班戍軍可
以盡革糧之所省歲不知幾千萬兩周遭田土可以
屯種地之所產歲不知幾千萬石久安萬全之策莫
有踰於此者但山後城工非大舉動壓以重兵且戰

且守勢不可也且三寨底平而同溝諸寨撫處已定
或可保數十年之安姑待將來次第舉行之耳審時
度力則沿河官道牆工似今日之所當爲亦今日之
所得爲者誠不可不爲之脩復也但邊牆可以近守
不可以遠瞭又看得敵臺之設尤於遠瞭爲便欲脩
邊牆必增敵臺兼舉之乃萬全也

松潘一鎮五穀不生戶無百金之產家無石粟之餘
誠爲絕寨窮邊而軍民百萬生命所賴爲養者皆懸
於東南兩路之糧運也但糧運之數有限而商販所

取易窮故於秋成之後每粟一斗價銀一錢八分或
二錢及至經商不通囤戶坐索高價每斗增銀至二
錢四五分者有之甚至青黃不接之時有錢無米無
論齊民卽官員之家懸釜待爨者亦有之衣不蔽體
食不充腸故有身死未寒其妻下嫁於部卒有子備
員竊祿母餬口於他人所以百戶徐榮至閉門忍饑
而死而父母兄弟夫婦骨肉之間生不相保死不相
顧者比比然也查得松潘放糧事規每年四六七十
二月支實米其餘月分皆支折色此先時作者蓋以

糧運之艱故支折色多而本色少所以爲糧戶節省
之計意誠善矣但所存恤在糧戶而所苦在邊氓見
其大而不見其小知其一而不知其二非中道也今
照布政司買運松潘一鎮萬曆七年分各倉糧米共
該四萬七千六百九十一石七斗八升而松小等邊
主官舍軍兵孤老共五千六百八十一員名客官軍
四千八百一十四員名若以每月米銀兼支寔爲利
便如指揮使月俸七石內實米三石云云大約年該
支實米三萬五千八百五十五石四斗尚剩米一萬

八千八百三十六石三斗八升可供別項支用哀多益寡酌盈濟虛糧不加運卽原額之中而通融之自裕人無多給卽本分之內而均平之自充况各軍月有實米可備饗殮又有折色可供使費稍加撙節可以無饑卽有不敷湊買不多不至枵腹待哺其利一也又每月放米家給人足其家稍充者可以出糶不給者亦可那移市價自平困戶不得坐索以增價其利二也又松地苦寒稱貸爲難往往山陝富商攜資坐取重利每借米一斗候至放糧之時加至二三斗

者有之窮軍細民甘心兌支無如之何若每月給米不至稱貸之難商人不得勒取重息其利三也有此三利而糧又不加增公私兩便誠善之善者也

鵬勦處置人荒等三寨議

楊一桂

松潘設居極邊番種近多爲地方患最桀驁者無如丟骨人荒沒舌三寨先年副總兵王詔以巡邊而礪石致有墜馬之凶通判王升以撫賞而挺刃幾有輿尸之禍副使林應節到任家眷幾被所擄倉官朱奚放糧父子皆爲所殺萬曆元年殺死安化關旗軍馮

古今圖書集成
子義七十餘名二年殺死歸化關軍人劉元等數十名三四五六等年劫搶東路糧運殺死旗軍人等不下數十名且又跳梁架觜堵截糧運時或出牧裝塘劫掠財物如戍軍之輪邊有新班錢架梁錢放狗錢躡草錢索取無厭彼番之來堡有下馬酒上馬酒解渴酒過堡酒吞噬多端連年犯順未嘗一創以致肆惡橫行請相機勦撫等因又按察司關行楊副使覆議三寨陸梁宜加誅勦但大征恐滋別寨疑畏未若鵬勦可以懲一戒百巡撫王廷瞻看得四川要地莫

重於松潘番蠻桀悍莫甚於三寨狼貪無厭出沒無常數十年來地方苦荼毒莫敢一問者蓋以負山箐之險挾羽翼之衆耳議行鵬勦隨據提督歸化指揮曹希彬報三寨番蠻聞知委官放糧聚衆搶奪等情卽令指揮曹希彬帶領千戶李世傑等奮勇對敵斬番級五顆獲馬匹器械乘勝趕至番據險力戰因調大兵深入擒斬四十五人銃箭傷死無算燒燬碉寨平房七十八座糧儲一空各寨哀詞納款羅拜投降奏上有功人員分別賞賚

松潘衛部紀事

總志唐太宗貞觀中嶺州都督劉伯英上疏言松外諸蠻率暫附亟叛請擊之西洱河天竺道可通也居數歲太宗以右武侯將軍梁建方發蜀十二州兵進討酋帥雙舍拒戰敗走殺獲十餘萬羣蠻震駭走保山谷建方諭降者七十餘部戶十萬九千署首領蒙和爲縣令餘衆感悅

武則天時松州雌鷄變爲雄

元宗開元四年正月辛酉吐蕃寇松州廓州刺史蓋

思貴伐之二月癸酉松州都督孫仁獻及吐蕃戰敗之

明太祖洪武十年松茂諸蠻叛遣御史大夫丁玉討平之召集諸寨首領給以銀鏤俾各守地方蠻人以爲世寶

宣宗宣德二年松潘千戶錢宏聞有交趾之役憚於遠征乃誘蠻族入寇虛張奏報得畱不遣蠻人自是煽禍不解攻圍城堡朝廷遣都指揮韓整高隆調四川各衛軍官五千員名征之至威州黃土鋪失利道

遂不通三年命總兵都督陳懷劉昭參將趙安蔣貴等陝西軍四萬由洮州入松潘解圍懷增置城堡守備回京蠻猶弗靖八年復遣都督方正調四川建昌貴州官軍討平之

武宗正德二年副總兵楊宏兵備高江誘殺綽嶺寺國師雪郎三出諸番糾合圍殺官軍甚衆自後本寺小宛上等動稱報仇松城之外不敢晝牧十一年副總兵張傑兵備胡澧整兵奮擊蠻稍懼斂

神宗萬曆三十二年閏九月龍安保寧松茂地震

三十三年五月三十日申時松潘衛天火墜落於谷粟屯城牆外

三十八年六月十七日巳時松潘漳臘小河平番地震聲大如鼓

光宗泰昌元年十二月初八日天色紅黑如夜自辰至酉方散連三日松潘衛西林莽中火燒數十里人皆炎熱雪冰俱化松人懼祈天禱禳遂降大雪

欽定古今圖書集成方輿彙編職方典

第六百四十四卷目錄

大渡河部彙考

大渡河建置沿革考

大渡河疆域考

形勝附

大渡河星野考

大渡河山川考

大渡河城池考

大渡河關梁考

大渡河公署考

大渡河學校考

大渡河賦役考

大渡河風俗考

大渡河祠廟考

寺觀附

大渡河兵制考

大渡河物產考

大渡河古蹟考

陵墓附

大渡河峒蠻考

大渡河部紀事

大渡河部雜錄

大渡河部彙考

職方典第六百四十四卷

大渡河部彙考

大渡河建置沿革考

總志

禹貢梁州之西境古西南彝祚都地漢定西南
 彝以祚都為沉黎郡尋罷郡置東西兩部都尉
 一治旄牛主外羌一治青衣主漢民並隸蜀郡
 東漢西部尉領蜀郡屬國晉李雄據蜀以漢嘉
 蜀二郡地分置沉黎漢源二郡後復為晉有廢
 漢源沉黎而置南陰平晉原寧蜀始寧四郡宋

齊并爲沉黎郡後周兼置黎州及沉黎縣尋廢
隋復置縣及登州大業初廢州以縣屬臨邛郡
後省唐復置南登州尋廢後割雅嶠二州地置
黎州後廢開元初復置天寶初改洪源郡尋改
漢源乾元初復爲黎州治漢源縣五代時前後
蜀繼有其地宋屬成都路元屬土蕃等處宣慰
司明洪武八年省漢源縣改黎州長官司十一
年以馬芍德征討有功襲授安撫司並置大渡
守禦千戶所萬曆二十一年馬祥無子妻瞿氏

署掌印務瞿氏撫瞿益枝爲子祥姪馬應龍與
瞿氏爭印構釁交兵事聞以馬應龍子馬新受
降襲土千戶職事附銜大渡河所隸四川都司
屬川南道

皇清因之以馬祿歸襲職土千戶屬布政使司設黎
州大渡河守禦千總一

大渡河疆域考

總志

東至冲天山八十里

西至雜道長官司界一百三十里

南至越嶲衛界九十里

北至榮經縣界二十里

自所治至省城一千二百里至

京師一萬一千四百四十里

東西廣二百一十里南北袤一百一十里

形勝附

唐元和志州城三面並臨絕澗

唐通望碑記處越嶲邛蜀之中

宋王已盤陀寨記蜀之西門

樊柔直侯寶堂記南鄰六詔西接吐蕃

關沫若徼牂牁

宋題名記太祖以玉斧畫大渡河外棄羈縻州
焉

東接冲天山不通路徑北接榮經縣西連冷沈
南通建滇鷄冠嶺拱列於前聖鐘山高擁於後

瀘河繞其東西羊腸帶其左右爲蜀川之門戶
扼六詔之咽喉

大渡河星野考
天文井鬼分野

總志

大渡河山川考

總志

邛崃山 在治北五里邛人自蜀入度此山故名一名邛笮山蓋邛人笮人界也其道至險有長嶺弄棟八渡之難楊母閣路之峻

登高山 在治西五里峰巒高聳俯瞰城中通衢官舍民居一一可數上有小阜曰望州坡
聖鐘山 在治東北五里昔有人聞山中有鐘聲及見五色光現掘地果得巨鐘

白崖山 在治西北一十里一名風穴山其傍

有風穴間有氣出騰空為白雲須臾風起其聲如雷按明一統志在司城西北二十里

寶蓋山 在治東南二十里山形如蓋俗名涼

繖山溪中嘗有光彩

盤陀山 在治東三十里按明一統志在司城

南三十里

大田山 在治西南三十里下有水田按明一

統志下有水井水田

筓箕山 在治西北五十餘里曰前箕又行數

十里曰後箕山多筓故名樵蘇者以為衣食之

源號曰錢箕按明一統志又多林木

試劒山 在治南八十里塹然高聳山列三峯

中峯又析為三狀如劍削故名按明一統志中

峰又析為二

冲天山 在治東八十里山極高峻勢若參天

牛心山 在治西八十里上有土阜形如牛心

避瘴山 在治南九十里近大渡河嵐瘴氣夏

秋最多土人移居此處避之

和尚山 在治東一百里其峰矗立盤紆十餘
曲方至其上晴日常有五彩光現千熊萬狀極
為奇觀

獅子山 在治東北一百里以形似名乃陶道
人得道之地

通望山 自大渡河南與衆山相連入嵩州

朝陽山 在治北一百里隋唐於其下置朝陽
縣城址尚存

飛水山 在治東北二百五十里與榮經接界

險惡不通人跡

畫崖山 在治西北一十五里山勢險峻山外
即生蕃界

飛越山 在治西北兩面與羌戎接界為沉黎
西境之要害唐於此置飛越縣

大鳳山 未詳所在

雞冠山 未詳所在

大小關山 山勢陡峻一人扼險萬人難登

靈應洞 邛崃山有巨蛇蟄其中蜿蜒錦文又

號爲靈應將軍洞

仙人洞 在白崖山北狀如車輪欲入者必匍匐方能過其中空闊行數十步泉聲琮琤石髓溜結幽致萬狀

風洞 在西南山十里歲時祭祀缺祀則風甚乾濕洞 在避瘴山側有二洞一空闊高燥一有水出其中有趺坐龜蛇之類皆崖石自生不假人爲凡瘴動時飛鳶皆集此山瘴已乃出土人欲知惡瘴以鳶爲候然鳶出必在立冬前後

古謂飛鳥得氣之先於鳶亦可見也按明一統志有牀坐竈突之類

龍洞 在文武堡之下離城六十里歲時祭祀缺祀則瘴甚

彈琴谷 在治西北一十里水出溪口聲如彈琴

盤龍谷 在漢源鎮東北

大渡河 源出土蕃經於城南九十里東注嘉定入於岷江

流沙河 未詳所在

兩澗水 在治東西各有澗至登高山下合為

一漢源之田仰之灌溉

梵音水 在治南一十五里俗傳唐三藏至此

持梵音而泉湧出故名色如米瀋味甘宋政和

間太守宇文侯過而飲之曰佳泉也易名燦玉

泉按明一統志泉南數十步有二石一號袈裟

石五色相間一號曬經石皆三藏遺跡

漢水 源出飛越山流經城南一十里東入岷

江一名流沙河按明一統志流經城南三十里

羅目溪 在治東南廢縣北

璃溪 在治西南四百里接蠻羌界

渥洼池 在蠻部內產馬其前後之田皆膏腴

昔首領亦號鬼主有印篆文曰武犍水軍莫究

所自

龍池 在治東十里池前有龍祠內有枯楠三

株如龍形觸之則風雨暴至

海棠池 在治北五里環池皆海棠郡守賓僚

遊晏之地

白雲泉 在治西北五里按明一統志在司城

東北五里

馬跑泉 在和尚山俗傳肉齒和尚乘白馬至

山下馬渴跑地泉爲之出

大渡河城池考

總志

大渡河城池 土城唐韋臯築明洪武間總兵

官安慶侯令成都右衛千戶朱徵用石砌門四

東西二壕深二丈四尺

大渡河關梁考

總志

黑崖關 在治西二十里明洪武十六年置

青溪關 在大渡河外唐韋臯鑿之以通郡蠻

號曰南道爲重鎮

天漢橋 在舊所治南九十里宋紹興間建

叱馭橋 在治西宋太守李石有記

跨虹橋 按所志明萬曆中建

大渡河公署考

總志

黎雅大渡河土千戶所 今改千總廳

大渡河守禦千戶所 在治西北經兵火廢

大渡河巡檢司 在治南九十里

建昌道分司 廢

分巡道分司 廢

玉淵公館 在舊黎雅州城內宋開禧間建

大渡河學校考

所志

大渡河土千戶所儒學 宋紹興二十年建今

廢無學碑記尚存諸生散寄於榮經雅州二庠

海棠池書院 唐韋臯為四川節度使駐師黎

城以禦南詔建海棠池書院今書院已廢池蹟

尚存

玉淵泉書院 宋薛紱為漢源縣令建玉淵泉

書院

大渡河賦役考
本所設居極邊石厚土薄俱是瘠鹵下田不及
有司州縣之一鄉明止徵草字糧色銀二百七
十兩以給過往夫馬之費併春秋祭祀及祭風
龍二洞之需本地支銷不入正賦
皇清定鼎土地墾闢自康熙二年清丈增至五百八
十七兩零每年解赴藩司已入正賦

大渡河賦役考

所志

本所設居極邊石厚土薄俱是瘠鹵下田不及
有司州縣之一鄉明止徵草字糧色銀二百七
十兩以給過往夫馬之費併春秋祭祀及祭風
龍二洞之需本地支銷不入正賦

皇清定鼎土地墾闢自康熙二年清丈增至五百八
十七兩零每年解赴藩司已入正賦

大渡河風俗考

總志

郡志地處極邊俗混彝漢

宋余授朱纓堂記蠻商越驛氍毹裘椎髻交錯於
闐闐中

寰宇記每漢人與番人博易不用見錢漢以細
絹茶布番以紅椒鹽馬

宋史黎州諸蠻其俗尚鬼謂主祭者鬼主故其
酋長號都鬼主

地瘠民貧石厚土薄三冬無雨四季多風其人

朴實頗慕文學彝獠相雜不尚浮華刀耕火種
背駝營生布帛貴而耐雪霜氣候舛而苦嵐瘴

縣志

大渡河祠廟考

總志

風雲雷雨山川壇 在治南

社稷壇 在治西

厲壇 在治北

旗纛廟 在治後千戶朱禎建

城隍廟 在治東明崇禎己巳重建

文昌祠 在治西宋紹聖間建

武侯祠 在治北二里榜曰天威廟又作二室

塑唐韋臯及李德裕像按明一統志在司城北

大渡河物產考

縣志

大渡河物產考

總志

牛黃

麝香

升麻

筇竹杖

天南星

紅椒

松明

大渡河古蹟考

總志

沉黎城 在漢原鎮附近十餘里漢武帝置郡
後周黎州唐登州皆置於此或云在古鶴州之
城

舊黎州城 在聖鐘山下古城又在河外

武侯城 在舊黎州城外三里武侯所築壕塹
故壘存焉又有武侯戰場在安靖新寨

三交城 在飛越山下唐時築舊名三礪後訛
為三交

琉璃城 在大渡河南唐太和中節度使李德裕築

陽山城 在大渡鎮西唐初置陽山縣屬登州後屬黎州

銅山城 在舊所治東一百八十里

定蕃城 在舊所治東南二百二十里二城俱

唐貞元間韋臯築

仗義城 在治南一十里唐李德裕築以制西

番其在境內者又有廓清肅寧大定番倉等城

按明一統志唐太和五年築

要衝城 在治南一百里臨大渡河唐韋臯築

俗呼沙米寨

王建城 在治北十五里地名木瓜關蜀王建

時築

漢源廢縣 在治南三十里隋置唐徙治於州

郭縣改為鎮

通望廢縣 在治東南九十里本陽山縣唐初

置登州天寶初改為通望縣屬黎州宋省入漢

源縣

飛越廢縣 在漢源西北一百里唐置屬雅州

開元屬黎州宋省

大渡廢縣 在治北一百里唐置屬雅州後廢

爲鎮入飛越縣

三藏黎 舊黎州治世傳唐三藏遊西域經行

植黎杖於此云他日州治在此後果遷如其言
其後黎成株高五丈圍八尺宋天聖間州治火
人取其枝以接他枝

夜叉穴 博物志蜀南沉黎山有物似猴長七
尺能人行名曰攬路見婦人則盜之入穴西番
部落最愛之寰宇記云在慶曆鄉山峽有一石
洞壁間有夜叉像土人祠之號穿巖將軍按明
一統志是西番部落最畏之

九折阪 在大相公嶺王尊叱馭處又云在邛
崃山迴曲九折王陽回車王尊叱馭處

風穴 在白崖山山有巨穴四圍津潤如汗間
有氣騰如白雲里人因以占風窒穴則風少瘴

多開則風多瘴少

大相公嶺 在治北三十里武侯南征孟獲經此故名宋時觀察使行部至此口占詩曰窮冬按部極陞西鳥道盤空積雪迷爲國憂民寧憚遠萬重山裏到沉黎

夢黎城 在松坪彝地採樵者偶見城郭隱隱尚存著意尋之不見

七擒橋 孔明擒孟獲於此後人建橋故名今橋已廢古蹟尚存

靜鎮堂 在舊黎州東隅後改曰君子堂左右有藏春留香二亭及思仙臺

三山堂 堂東與試劍山三峯相值按明一統志在靜鎮堂東

澄心堂 在舊司廳東

搖香亭 輿地紀勝在兵馬司前有酴醿芙蓉之勝

喚魚亭 在舊州圃東有湖湖方廣千丈芙蓉萬蓋錦鱗千尾架橋其中揭亭橋上曰喚魚

陵墓附

三王墓 在舊漢源縣東唐史載邛黎之間有
 三蠻王使伺南詔劉志遼為恭化郡王郝全信
 為和義郡王楊清遠為遂寧郡王卒葬於此

大渡河峒蠻考

宋

太祖開寶六年夏四月丙午黎州保塞蠻來歸
 按宋史太祖本紀云云 按蠻夷傳保塞蠻開
 寶間其蠻七十餘人由大渡河來歸時時來貨
 其善馬

高宗紹興二十七年詔免唐秬陳伯強官以弭
 邊釁

按宋史高宗本紀不載 按蠻夷傳紹興二十

七年川秦都大司言漢地民張太二姑率眾劫殺市馬蠻客崖遇等恐啓邊釁已加慰諭併償其直矣詔免知州唐秬及通判陳伯強官抵首賊法

孝宗乾道九年吐蕃兩次入寇俱平之

按宋史孝宗本紀乾道九年二月乙亥青羌奴兒結寇安靜若黎州推官黎商老戰死秋七月壬寅青羌奴兒結降辛亥吐蕃彌羌畜列陷安靜若引兵深入黎州守臣誘邛部川蠻擊却之

按蠻夷傳彌羌部落乾道九年吐蕃青羌以知黎州宇文紹直不讎其馬價憤怨爲亂詔師憲撫安之紹直置免青羌首領奴兒結等市馬黎州大肆虜掠權州事王昉多給金帛亟遣還宣撫使虞允文言昉貪功恐他部効尤漸啓邊釁詔降昉兩官十月黎州吐蕃復寇邊攻虎掌若詔四川宣撫司檄成都府調兵二千人戍黎州以禦之

孝宗淳熙二一年青羌奴兒結乞盟旋復入寇制

置使范成大築堡禦之

按宋史孝宗本紀不載 按蠻夷傳淳熙二年奴兒結還所虜生口三十九人黎州與之盟復聽其互市給賞歸之制置使范成大言所虜未盡歸我豈可復與通好詔謫宇文紹直編管千里外成大增黎州五砦籍強壯五千人爲戰兵吐蕃入寇之徑凡十有八皆築堡戍之奴兒結率衆二千寇安靜砦成大調飛山卒千人赴之度其三日必遁戒勿追已而果然青羌奴兒結

爲邊害者十餘年其後制置使畱正以計禽殺之盡殲其黨

孝宗淳熙七年夏四月黎州五部落蠻入寇六月官軍敗績遣都大提舉茶馬吳總往平之冬十月五部進馬乞降詔却其馬

按宋史孝宗本紀夏四月甲辰黎州五部落犯盤砦砦兵馬都監高晃以綿潼大軍三千人與戰敗走蠻人深入大掠而去夏六月壬辰五部落再犯黎州制置司鈴轄成光延戰敗官軍死

者甚衆提點刑獄權州事折知常棄城遁甲午
制置司益兵遣都大提舉茶馬吳總往平之秋
八月癸未禁黎州官吏市蕃商物甲辰五部落
犯黎州寨與州左軍統領王去惡拒却之折知
常重賂蠻使之納款冬十月乙未黎州五部落
進馬乞降詔却獻馬許其互市 按蠻夷傳部
落蠻有劉楊郝三姓淳熙七年十月黎州五部
落蠻貢馬三百匹求內附詔許通互市却其所
獻馬

淳熙十二年春正月四川制置使留正遣人誘
青羌奴兒結殺之二月置黎州防邊義男

按宋史孝宗本紀云云 按蠻夷傳淳熙十二
年趙汝愚代爲制置使或謂殺降不祥必啓邊
患汝愚不爲動但分守險要嚴備以待之
十三年黎州蠻三開入寇代制置使趙汝愚破
之

按宋史孝宗本紀不載 按蠻夷傳淳熙十二
年趙汝愚代爲制置使明年奴兒結弟三開果

入寇邊備完固三開不能攻走歸汝愚懸重賞以間羣蠻三開不能孤立遂以憂死時虛恨蠻族最强破小路蠻併其地與黎州接壤請通互市汝愚以黎州三面被邊若更通虛恨蠻恐重貽他日之憂不若拒之爲便帝以其知大體從之尋汝愚以定青羌功加龍圖閣直學士

寧宗嘉定九年十二月己卯黎州蠻蓄卜寇邊按宋史寧宗本紀云云 按蠻夷傳嘉定元年十二月彌羌蓄卜由惡水渡河寇黎州破碉子

砦初蓄卜弟悶巴至三衝爲人所殺又徙白水村渡於安靜砦羌人患之蓄卜遂與青羌詣邛部州欲假道女兒城以入寇守臣楊子謨謀知之數以貲遺其都王母俾母假道時時餽米以濟其饑蠻人德之會趙公庀代爲都斬不與蓄卜遂得假道渡河攻茆坪砦掠三松蠶砂橫山三增白羊諸村郡遣西兵將党壽禦之失利復遣統領王光世往羌人由茆坪以革船渡河光世憚之畱屯三衝不敢進羌人焚掠旣盡渡河

而歸

寧宗嘉定二年黎州蠻犯邊官軍討之未下

按宋史寧宗本紀嘉定二年二月庚午黎州蠻寇邊八月己卯黎州蠻復寇邊十二月甲子四川制置大使司調官軍討黎州蠻敗績 按蠻夷傳二年二月復寇黎州良溪砦官軍敗績三年十二月辛巳黎州蠻請降

按宋史寧宗本紀云云 按蠻夷傳不載

七年黎州蠻蓄卜始降

按宋史寧宗本紀云云 按蠻夷傳八年二月

蓄卜降蓄卜連年入寇皆青羌曳失索助之守臣袁枏遣安靜砦總轄杜軫招降之他如浮浪蠻白蠻烏蒙蠻阿宗蠻則其地各有所服屬云 按此作八年與本紀不同

度宗咸淳三年權黎州張午招諭大青羌主歸義乞用兩林西蕃瑜林仍賜予加優從之 按宋史度宗本紀云云 按蠻夷傳不載

大渡河部紀事

總志唐文宗太和三年大容蠻蒙嵯巔悉衆掩邛戎
嶓三州陷之入成都止西郭十日慰賚居人市不擾
肆將還乃掠子女工技數萬引而南人懼自殺者不
勝計嵯巔身自殿至大渡河謂華人曰此吾國境爾
去國當哭衆號痛赴水死者十三

懿宗咸通五年南詔回掠嶺州以搖西南西川節度
使蕭鄴率屬蠻鬼主邀南詔大渡河敗之

十年坦綽酋龍自將督衆五萬侵嶺州攻青溪關屯

古今圖書集成
將杜再榮走諸屯皆退保蠻攻黎州詭服漢衣濟江襲犍爲破之

十一年坦綽酋龍攻杜再榮竇滂自勒兵戰酋龍遣使者十輩請和滂信之語未半蠻桴爭岸譟而進滂將自殺武寧將苗全緒止之殊死戰蠻稍卻滂乃遁全緒殿而行黎州陷

十四年坦綽酋龍復寇蜀紐舟大渡河以濟爲刺史黃景復擊却之蠻衆循河而南桴上流兵夾攻瀕水諸屯景復敗走還黎州蠻躡追爲景復所敗會蠻踵

來還攻大渡河偃兵息鼓請曰坦綽欲上書天子白冤事成兵信之不戰橋成而濟黎州陷

西川自唐劉闢構逆後久無干戈人不習戰每歲諸道差兵屯戍大渡河蠻旗纔舉望風而潰咸通中長驅直抵府城居人有扃戶而拒之蠻亦不敢扣門也嘗有一蠻迷路入廣都縣村墅里人相率數百輩叫譟而逐之蠻一迴顧却走如堵牆崩焉自晝及暝終不能擒致其怯懦如此又王蜀先主時雲南寇蜀蜀軍勇銳欲吞之俘擒噉食不以爲敵與向前之兵百

古今圖書集成
倍其勇也

咸通中南蠻圍西川朝廷命高駢自天平軍移鎮成都戎車未屆乃先以帛書軍號其上仍畫一符於郵亭遞之以壯軍聲蠻酋懲交趾之敗望驛而遁先是府無羅郭南寇纔臨遂成煨燼士民無久安之計渤海窺之畫地勢圖版築焉慮畚鍤將施亭埃有警乃命僧景仙奉使入南詔宣言躬自巡邊自下手築城日舉烽直至大渡河凡九十三日樓櫓轟然旌旆竟不行而驃信讐慄不暇兵以詐勝斯之謂也

僖宗十四年立酋龍攻黎州景復敗走之

僖宗乾符元年酋龍刼略嶲雅間破黎州入邛峽關掠成都成都閉三日蠻乃去詔徙天平軍高駢領西川節度使駢至不淹月閱精騎五千逐蠻至大渡河奪鎧馬執酋長五十斬之收邛峽關復取黎州南詔遁還駢召景復責大渡河之敗斬以徇

唐南蠻侵軼西川自咸通已後劔南苦之牛叢尚書作鎮爲蠻寇憑陵無以抗拒高公自東平移鎮成都蠻酋傳蜀城掌武先選驍銳救急人背神符一道蠻

古今圖書集成
規知之望風而遁爾後僖宗幸蜀深疑作梗乃許降
公主蠻王以連姻大國喜幸逾常因命宰相趙隆眉
楊奇鯤段義宗來朝行在且迎公主高太尉自淮海
飛章云南蠻心膂唯此數人請旨而鳩之迄僖宗還
京南方無虞用高公之策也楊奇鯤輩皆有詞藻途
中詩云風裏浪峰吹又白雨中嵐色洗還青江鷗聚
處牕前見林狖啼時枕上聽此際自然無限趣王程
不敢暫畱停甚清美也
唐李師望乃諸宗屬也自負才術欲以方面爲己任

因旅遊邛蜀備知南蠻之勇怯遂上書希割西川數
州於臨邛郡建定邊軍節度詔旨允之乃自鳳翔少
尹擢領此任於時西川大將嫉其分裂巡屬乃陰通
南詔于是蠻軍爲近界鄉豪所導侵軼蜀川元戎竇
滂不能遏截師望亦尋受貶黜

宋孝宗淳熙七年十一月癸亥黎州戍軍伍進等作
亂折知常遁去王去惡誘進等誅之

寧宗嘉定九年夏六月乙未黎州山崩

十三年三月丁巳黎州土丁叛遣兵討之秋七月丙

辰四川宣撫司招黎人土丁降之

大渡河部雜錄

黎州安撫司內小廳東有梨樹一株高九丈圍九尺州人取其枝以接果豈黎以梨名耶州人呼為三藏梨相傳為唐僧西遊植藜杖於此曰他日州治在此云按古藜杖之藜即苜蓿養之歷霜雪經一二歲其本修直生鬼面可杖取其輕而堅非梨木也

